

ՆԵՐՔԻՆ ՏԵՍՈՒԹԻՒՆ

Դու՛մայի պատմական միասիւն.— Ուրուսովի մերկացումները, Բելոսովի ջարդը՝
ֆենդոյ յանձնաժողովը եւ առաջին օրէնսդրական ակտը՝ մահուան պատժի վե-
րացումը.— Մեծ եւ փոքր քառ.— Բռնի ոյժի չէզոքացումը քննութիւններէից.—
Քառանգաւ քննութիւնն է մեզ հարկաւոր:

Յեղափոխութիւնից վայրիվերոյ եղած կեանքը այժմ ներկա-
յացնում է հին մեռնող կարգերի ու սկզբունքների և նորարողքի՝
կարգերի ու ազատագրութեան ըմբոստ ձգտումների հոռւն մի
խառնուրդ, մի քառ։ Դոյութիւն ունեցող ըէալ ոյժերի համա-
գումարը ստեղծեց մի ընդդիմադիր Դու՛մա, որի պատմական
կոչումն է՝ դուրս բերել քառային շրջանի մէջ հեծող երկիրը
դէպի զարգացման ուղիդ, խաղաղ ճանապարհ։ Եւ Դու՛ման աս-
տիճանաբար իրագործում է իր միասիւն։ Նրա հաստատակամ
տակտիկան քայլ առ քայլ վերցնում է բիւրօկրատիայի ամբու-
թիւնները, ոչնչացնում գիտութեան և արդարութեան խորտակող
քննադատութեամբ բիւրօկրատիայի բոլոր սուտ ու մուտ առար-
կութիւնները, մերկացնում նրա իշխանութեան ամբողջ գարշանքը։
Եւ Դու՛մայի օրէցօր աճող հեղինակութիւնը ժողովրդի մէջ
ստեղծում է այնպիսի բարոյական ոյժ, որի առջեւ ստիպուած են
արդարանալ, նուաստացած ոճով խօսել երեկուայ բռնապետ-
ները։ Այն մերկացումները, որ արաւ իր այսուհետեւ պատմական
ճառում ներքին գործոց միջնատրի նախկին օգնական իշ. Ու-
րուսովը յունիսի 12-ի նիստում, այն ընդունելութիւնը որ ցոյց
տուաւ Դու՛ման զինուորական ընդհանուր դատախազ գններալ
Պաւլովին (յունիսի 19-ին) բղաւելով նրա երեսին— «Դ՛ճըս, դա-
հիճ, մարդասպան, աւելի լաւ է ընդհատել նիստը քան լսել
Շմիդտի դահճին»—ստիպելով հեռանալ դահլիճից. այն դերը
որ կատարեց Դու՛ման իր՝ ընտրած յանձնաժողովի միջոցով՝
քննելով Բելոստովի ջարդերում վարչութեան, պոլիցիայի և զօր-
քի կատարած դերը—վերջապէս այն առաջին օրէնսդրական
ակտը, որ ընդունեց Պետական Դու՛ման յունիսի 20-ին, միա-
ձայն որոշելով վերացնել մահուան պատիժը—այդ բոլորը:

ապացոյց են որ Պետական Դուռնան ընդունակ է իրագործելու իր պատմական մեծ կոչումը: Նրանից դուրս այժմ կենսաբան չի կարող ստեղծել այլ մարմին, որ անարխիայի կամ զինուորական դիկտատուրայի վտանգից ազատի այդ լայնածաւալ, տարբեր կուլտուրաների և ցեղերի վիթխարի զանգուած Ռուսաստանը: Անպատասխանատու միջոցառումներն օրերը հաշուած են, և այդ յաղթանակը կը տանի Դուռնան, որովհետեւ քաղաքական ազատութիւն ձեռք բերելու կուռն Դուռնայի բոլոր առաջադէմ տարրերը գործում են միահամուռ ոյժերով:

Լսելով Կովկասից եկած հայ, վրացի, թուրք և լեռնական պատգամաւորների ճառերը, որոնց մէջ դուրս էին բերուում ոռւս խայտառակ բիւրօկրատիական ըէփիմի արարքները «աւերակ դարձրած մի հրաշալի երկրում», լաւ էր նկատել մի ոռւս պատգամաւոր թէ «եւրո մենք ոռւսներս վատ էինք ապրում, վատ էր և ձեր կենսաբան, կը բարուրդուի մեր կենսաբան, կը լաւանայ և ձեր վիճակը»: Արդարեւ, մեր բոլոր ցաւերի և դժբախտութիւնների հիմնական պատճառը հին կարգերի մէջ է, որոնց վերացումը միայն կ'ազատի մեզ կամայականութեան զապրճիրաններից: Այդ ճշմարտութիւնը այժմ հասկացել են և թուրք ինտելիգենտները, որոնք մի քանի ամիս առաջ չէին ուզում խոստովանել Կովկասի իշխանութեան դրդող, մեղսակից դերը թուրք-հայկական ոճրագործ ընդհարումների մէջ: Լաւ է ուշ, քան երբէք: Իսկ մինչև նրանք հասկացան այդ, «հրաշալի երկրի» մէջ սովը, թշուառութիւնը, վայրենացումը սաւառնում են կիսաւեր գիւղերի աւերակների վրայ, գաղանային կըրքերը դեռ չեն հանդարտուել, սպանութիւնները, գերի վերցընելը իրարից դեռ շարունակուում են:

Ինչո՞ւ Կովկասի պատգամաւորները չպէտքէ պահանջեն որ Դուռնան իր անդամներից ընտրած մի մասնաժողով ուղարկի մեր երկիրը, որը միթէ մի Բելոստոկ չարժէ. Թնչու չպէտք է դիմեն Դուռնային, որ մի քանի միլիոն նպաստ բաց թողնուի մեր գիւղացիների տնտեսութիւնը վերականգնելու համար: «Սոցիալիզմի» մայսին այրութեանական ճշմարտութիւններ և միտինգային ճոռոմաբանութիւններ արտասանելու համար չեն ուղարկուած Դուռնան մեր պատգամաւորները, այլ մեր երկրի կարիքների մասին դրական պահանջներ անելու: Նախահաշուից դուրս այն 15 միլիոնը, որ Դուռնան որոշել է սերմի և մատակարարութեան պէտքերի համար, պէտք է գործադրուի և մեր երկրի կարիքներէ համար: Դրա մասին խօսք բարձրացրել են մեր պատգամաւորները, թէ ոչ: Մեզ յայտնի որ նրանք լոկել են:

Մեր կարիքները ախճան ստակալի չափեր են ստացել որ Նպաստամատուցների չնչին օգնութեան վրայ յոյս դնելով գիւղացիներին կերակրել խոստումներով՝ անխղճութիւն է։ Պետական միջոցներով պէտք է բուժուեն այն ցաւերը, որոնք առաջ են եկել համարեա բացառապէս այդ պետութեան ապիկար, յանցագործ պաշտօնեաների շնորհիւ։

Այդ իրականութեան դիմաց մարդ իսկապէս սիրտ չունի խօսել այն համեմատաբար երկրորդական խնդիրների մասին, որոնք յուզում են մեր «հայկական կեանքը»։ Ղարոցական ընտրութիւններ, ուսուցչական ժողովներ, հոգևորականների ընտրութիւններ, պատգամաւորական ժողով և այլ և այլն։ Բոլորը շուրջ եկեղեցու և ղարոցի։ Մեծ քաօսի մէջ ապրելով, դժուար է ազատ լինել փոքր քաօսներից, և այդպիսի քաօս, հնի և նորի խճճուած խառնիթոր զանգուած է ներկացնում և մեր կեանքը։

Գաղափարների, կուսակցական խնդիրների, հին կամայական կարգերի և նոր ձգտումների մի այնպիսի հանգոյց է դառել և մեր կեանքը որ նրանից դուրս գալու այլ հնարաւորութիւն մենք չենք գտնում, քան մի փոքրիկ Դումա, ժողովրդական ներկայացուցչութիւն հրաւիրելու։ Սակայն այստեղ պէտք է կանգ առնենք և աշխատենք սառն վերլուծելով տեսնել թէ՛ որն է ժողովրդի ւնկալի կամքի արտայայտութիւնը և ինչ է կեղծած, ճնշման տակ, բռնութեամբ կորզած համաձայնութիւնը։

Յայտնի է թէ՛ կամայականութեան բեժիմից դեռ իսպառ չազատուած երկրներում զանազան Ստամբուլիցներ, զանազան դիկտատոր օլիգարխներ իրանց սև հարիւրեակների միջոցով ինչպէս են ընտրութիւններ կատարել տալիս։ Ընտրութիւններ կեղծելու ամենավտանգաւոր ձևն է զինուած խմբերի միջամտութիւնը, և այդ է պատճառը որ բոլոր ազատ, դեմոկրատ երկրներում բռնի, զինուած ոյժը չէզոքացնում է ընտրական պայքարից։

Այդ պատճառով զօրքը, պոլիցիան Գերմանիայում, Ֆրանսիայում, Աւստրիայում, Ունգարիայում, Հոլլանդիայում, Իտալիայում, Միացեալ Նահանգներում և առհասարակ բոլոր դեմոկրատ երկրներում իրաւունք չունի մասնակցելու ընտրութիւններին, որովհետև բռնի, զինուած ոյժը միշտ կարող է ճնշել, միշտ գործ դնել իր ահաբեկող ազդեցութիւնը։ Զէնքը տրուած է պետութեան պաշտպանութեան կամ ժողովրդի ինքնապաշտպանութեան համար և ոչ նրան ճնշելու, ստրկացնելու նպատակով։

Ընդհանուր, հաւասար, ուղղակի գաղտնի ընտրութիւն

նշանակում է մեր՝ «այ-լուսաւորակականներ» նկատմամբ՝ որ ամեն մի չափաւոր ծխական, կին թէ տղամարդ, իրաւունք ունի գաղտնի քուէարկութեամբ միայն մի ձայն տալ, ուղղակի պատգամաւոր յայտարարելով նրան, որին հաւանում է։ Ոչ ուղղակի, այլ շեղակի (косвенный) են կատարում մեզանում ընտրութիւնները, նախ լիազօրներ ընտրելով, որոնց և յանձնւում է պատգամաւորներ ընտրելու։ իրաւունքը՝ Շեղակի ընտրութեան ժամանակ ժողովրդի և ժողովրդական ներկայացուցիչների միջև կանգնում են միջանկեալ միջնորդներ, «լիազօրներ», մի խումբ մարդիկ, որոնց կամքը յայտարարւում է իբրև ժողովրդի կամք։ դա կերծիք է, որովհետև այդ դէպքում պատգամաւորները պատասխանատու են դառնում լիազօրների և ոչ ժողովրդի առաջ։ Հետևաբար, ժողովրդի կամքը իմանալու համար պէտք է խիստ կերպով պահպանենք ընդհանուր, հաւասար, ուղղակի և գաղտնի ընտրութիւնները։

Նախընտրական պայքարում թոյլատրելի է իհարկէ պրօպագանդան, համոզելու բոլոր միջոցները, բայց ոչ երբէք բռնի ոյժը, ահաբեկումը, սպառնալիքը։ Իւրաքանչիւրը ժողովներում, մամուլի մէջ ազատ է իր մտքերը յայտնելու։ Իւրաքանչիւր կուսակցութիւն կարող է իր ծրագիրները, իր թեկնածուների անունները յայտարարել ի լուր ամենքի, սակայն բռնի ոյժ, ճնշում գործ դնել, զինուած խմբերի ահաբեկման միջոցների դիմել, նշանակում է ծաղրել, ոտնակոխ անել, կեղծել ժողովրդի կամքը։ Այդ իսկ պատճառով իւրաքանչիւր քաղաքական կուսակցութիւն, եթէ նա կանգնած է գաղափարական մաքուր հողի վրայ, երբէք իրան թոյլ չի տալ բռնութեան այդ ստոր զէնքներին դիմելու։ Այդ բոլորը պէտք է մենք ի նկատի ունենանք և ընտրութիւնների գործը հանենք այն տնային, կիսատպուտ ձևերից, որ մինչև այժմ եօլա էինք տանում։ Ընտրութիւնը պէտք է կատարուի ճիշտ՝ պահպանելով այն բոլոր ձևականութիւնները, որոնք երաշխաւորում են իւրաքանչիւրի ազատ, անկախ կամքի արտայայտութիւնը։ Այլապէս դա ընտրութիւններ չեն այլ դիմակահանդէս, դեմագոգիայի և բռնութեան մի ճիւղային պար... Ժողովուրդը ինքը պէտք է բողոքի իր կամքը բռնաբարողների դէմ և թոյլ չտայ որ իրան ստրկացնեն, ինչ անունով և գործում լինեն բռնի ոյժ բանեցնողները։ Կամքի, մտքի անկախութիւն նախ և առաջ! Sapiienti sat.

Մենք առաջիններից ենք եղել որ պաշտպանել ենք այն միտքը թէ ժողովրդի ներկայացուցչութեամբ պիտի սահմանադրուին մեր ազգային-եկեղեցական գործերը (տես «Մուրճ»

№ 4-5): Ռուսաց մեծ յեղափոխութիւնը դիւրացրեց և մեր ներքին կեանքի յեղափոխութիւնը. կաթողիկոսը ինքնայոթար կամքով առաջ գնաց ժամանակի պահանջների դիմաց: Այդ պայմաններում ինչո՞ւ ընտրողական իրաւունքի կատարեալ ձեւը թողած՝ անկատարով բաւականանանք: Վեհափառ կաթողիկոսի յունիսի 7-ին տուած կոնդակը մասամբ է միայն լուծում հարցը, որովհետեւ այդպիսի լուրջ գործ ձեռնարկելու ոչ մի նախապատրաստութիւն չի արուած, որպէսզի այս առաջին համառուսահայ ժողովրդական ընտրութիւնը կատարուի նոր, աւելի արդար և կատարելագործած եղանակով: Վեհափառ կաթողիկոսի հրահանգը չափազանց հապճեպով է կազմուած և կարող է բազմաթիւ թիւրիմացութիւնների, անվերջ կոիւնների պատճառ դառնալ: Մինչև օգոստոսի 15-ը այնքան ժամանակ կար որ կարելի էր մշակել մի յատուկ յանձնաժողովի միջոցով աւելի մանրամասն և կատարեալ հրահանգ. փառք Աստծոյ ընտրական գործը այնքան նրբօրէն կատարելագործուած է եւրոպայում որ հարկ չկայ սեփական տնայնագործական փորձերի: Մենք առաջ եօլա էինք տանում գործը զանազան տէրտէրների և եպիսկոպոսների քաղաքահասարակական իմաստութիւններով, և քանի որ հարցերը պտտում էին զանազան տիրացուներ և հոգաբարձուներ ընտրելու անձուկ շրջաններում՝ մի կերպ համակերպոււմ էինք, իսկ այժմ ուզում էք մի փոքրիկ «պարլամենտ» ընտրել և հնացած, անկատար և կիսատ-պռատ տնային եղանակներով: Ողջունելով բոլոր սրտից Վեհափառ կաթողիկոսի քայլը սկզբունքային տեսակէտով, մենք կը ցանկայինք որ նախ և առաջ մանրամասն մշակուէր ընտրողական պրօցեդուրան, ղեկավարուելով զեմօկրատ երկրների փայլուն փորձերով:

Նշանաւոր քայլը արուած է, մնում է որ Վեհափառ կաթողիկոսը կէս ճանապարհի վրայ չկանգնի և տայ ժողովրդին կատարեալ ձեւի ընտրական իրաւունք, որից մոռացուած է ուղղակի անդամը: Ինչո՞ւ տալ ժողովրդին անկատար գործիք, երբ մեր դարը գիտէ աւելի նուրբ և կատարելագործուած միջոց ժողովրդի անկախ կամքը արտայայտելու: Յանկանք ուրեմն որ այդ երկրորդ քայլն էլ անուի և մենք ունենանք ճշտօրէն իրագործուող կատարեալ ձեւի անկախ ընտրողական իրաւունք:

Այդպիսի կատարեալ ընտրողական սկզբունքով կազմած կենդրոնական ժողովը կը կազմի մեր ուղահայերիս աղգային-եկեղեցական սահմանադրութիւն, որ կը ներկայացուի Պետական Դումային և այնուհետեւ կը դառնայ օրէնք. և արեւել կը նետուի 1836 թուականի «պոլոժենիէն» իր բոլոր հիմնար-

կութիւններով: Այլապէս չափազանց խախուտ և երերուն կը լինի մի սահմանադրութիւն, որի իրագործումը կախուած կը լինի հոգևոր իշխանութեան բարի կամքից: Քիչ ունենք կաթողիկոսական կոնդակներով հաստատուած կանոններ, որոնց գործադրել չգործադրելը սրա նրա քմահաճոյքից էր կախուած: Այդ է ճանապարհը որ մեզ կը հանի քասապին շըշանակից:

Լ. Ս.

25 Յունիսի.

ՊԱՐԲԵՐԱԿԱՆ ՀՐԱՏԱՐԱԿՈՒԹԻՒՆՆԵՐ

«Խաբարալա», Երզնիսեանական թերթ.— Յեղափոխական եռուն կեանքի արտայայտութիւններից մէկն էլ ըզմաթիւ երզնիսեանական թերթերի ծնունդն էր: Ամեն բանում մենք հայերս էլ իհարկէ, նախապէս և նախ ժամանակակից հոսանքներին և տրամադրութիւններին: Պատերազմում լոյս տեսաւ «Սափրիչ» երզնիսեանական թերթի մի քանի համարները, սակայն մեր կեանքից հեռու այդպիսի հրատարակութիւնը այնքան էլ աջողութիւն ունենալ չի կարող: Թիֆլիսում էլ սկսուեց հրատարակուել «Նախապէս» թերթը, որ հետեւալ կերպով է ընդունում իր կոչումը, դիմելով հրատարակական մանր ու մեծ գործիչներին:— «Խաբարալա»-ի էջերում գունաւոր և անգոյն պատկերներով, խօսքով, առակով, հանելուկներով, ոտանաւորով և այլ նոյնանման այժմ խիստ արգելուած գէշերով կռուելու ենք ձեր դէմ ամեն անգամ, երբ ձեր գործունէութեան մէջ կը նկատենք ձեզ համար պատուաւոր, իսկ մեր

աչքում ծիծաղելի կամ պախարակելի մի գիծ:

Նկարիչները՝ Րոտտեր և Շլինգ առանձին փայլ են տալիս այդ թերթին: Առանձին ուղարկութիւն դարձրէք, օրինակի համար, № 1-ում և 3-ում հայ-թրքական ընդհարումների սկզբնապատճառ և ֆինալը ներկայացնող պատկերները, որոնք զեղարուեստօրէն միայն վիշտ, արտասուք են յարուցանում և ոչ ծիծաղ: Շատ սրամիտ է ծաղրած հայ բժշկիկ էվօլյուցիան ծնուած օրից մինչև թղթախախի կանաչ դաշտը (№ 3): Վատ չեն Դումայի և մեր հասարակական գործերի (հոգաբարձական ընտրութիւններ, բարեգործական ընկերութեան) մասին նրկարներն ու խճճանքները: Այն պախարակելի կողմերը որ խօսակցութեան առարկայ են— «Նախապէս» նորից շեշտում է, ընդգծում, աւելի բնիկիֆ դարձնում և ընդհանրացում: Այդպիսի թերթի գլխաւոր արժէքը կայանում է անպայման շիտակութեան և անկախութեան մէջ: